



詩所第二卷

樂府

廟祀歌辭

漢安世房中歌

詩傳曰國君有房中之樂天子以周南諸侯以召南至秦改名曰壽人漢

房中祠樂十六章高祖唐山夫人所作也孝惠二年使樂府令夏侯寬備其簫管更名安世樂

大孝備矣休德昭清高張四縣樂克宮庭芬樹羽林雲

景杳冥金支秀華庶旄翠旌

右章八句一至庶幾是聽為一章

七始華始肅倡和聲神來

一作矣

晏娛庶幾是聽粥粥音

送細齊人情忽乘青玄熙事備成清思聊聊經緯冥冥

右章十句

我定歷數人告其心敕身齊戒施教申申乃立祖廟敬

明尊親大矣孝熙四極爰臻右章八句一至樂民人為一章

王侯秉德其鄰翼翼顯明昭式清明鬯矣皇帝孝德竟

全大功撫安四極右章七句

海內有姦紛亂東北詔撫成師武臣一作承德行樂交

逆簫勺羣慝肅為濟哉蓋定燕國右章八句

大海蕩蕩水所歸高賢愉愉民所懷太山崔百卉殖民

何賢賢有德右章六句

安其所樂終產樂終產世繼緒飛龍秋游上天高賢愉

樂民人右章八句

豐草萋女羅施善何如誰能回大莫大成教德長莫長

被無極右章八句

雷震震電耀耀明德鄉治本約治本約澤弘大加被寵

咸相保德施大世曼壽右章十句

都荔遂芳宵宓桂華孝奏天儀若日月炎燾玄四龍回

馳北行羽旄殷盛芬哉芒芒孝道隨世我署文章右章

十句

馮馮翼翼承天之則吾易久遠燭明四極慈惠所愛美

若休德杳杳冥冥克綽永福右章八句一至終無兵革為一章一至師象山則為

一章

磴磴卽卽師象山則嗚呼孝哉案撫戎國蠻夷竭歡象

來致福兼臨是愛終無兵革

右章八句

嘉薦芳矣告靈饗矣告靈既饗德音孔臧惟德之臧建

侯之常承

一作永

保天休令問不忘

右章八句

皇皇鴻明蕩侯休德嘉承天和伊樂厥福在樂不荒惟

民之則浚則師德下民咸殖令問在舊孔容翼翼

右章十句

一至受福無疆為一章一至惟民之則為一章

孔容之常承帝之明下民之樂子孫保允承順温良受

帝之允嘉薦令芳壽考不忘

右章八句

承帝明德師象山則雲施稱民永受厥福承容之常承

帝之明下民安樂受福無疆

右章八句

魏顯廟頌

建安十八年曹操為魏公加九錫始立宗廟令王粲作頌三章以享其先

思皇烈祖時邁其德肇啓洪源貽燕我則我休厥成聿

先厥道丕顯丕欽允時祖考

其一

綏庶邦和四宇九功備

彝樂序建崇牙設璧羽六佾奏八音舉昭大孝衍妣祖

念武功收純祐

其二

於穆清廟翼翼休徵祁祁髦士厥德

允升懷想成位咸犇在宮無思不若允觀厥崇

其三

晉宗廟歌

武帝泰始中傅玄造凡十一首

夕牲歌

我夕我牲猗歟敬止嘉豢孔時供茲享祀神鑒厥誠博

碩斯歆祖考降饗以虞孝孫之心

迎送神歌

嗚呼悠哉日鑒在茲以時享祀神明降之神明斯降既
祐饗之祚我無疆受天之祐赫赫太上巍巍聖祖明明
烈考丕承繼序

征西將軍登歌

經始宗廟神明戾止申錫無疆祇承享祀假哉皇祖綏
予孫子燕及後昆錫茲繁祉

豫章府君登歌

嘉樂肆庭一作筵薦祀在堂皇皇宗廟乃祖先皇濟濟辟
羣一作公相予蒸嘗享祀不忒降福穰穰

潁川府君登歌

於邈先后實司于天顯矣皇祖帝祉肇臻本支克昌資
始開元惠我無疆享祀一作祚永年

京兆府君登歌

於惟曾皇顯顯令德高明清亮匪競柔克保乂命祐一作
基命惟則篤生聖祖光濟四國

宣皇帝登歌

於鑠皇祖聖德欽明勤施四方夙夜敬止載敷文教載
揚武烈匡定社稷恭行天罰經始大業造創帝基畏天
之命于時保之

景皇帝登歌

執競景皇克明克哲旁作穆穆惟祗惟畏纂宣之緒耆
定厥功登此俊乂糾彼羣凶業業在位帝既勤止維天
之命於穆不已

文皇帝登歌

於穆一作皇時晉允文文皇聰明睿智聖敬神武萬幾莫
綜皇斯清之虎兕放命皇斯平之柔遠能邇簡授英賢
創業垂統勲格皇天

饗神歌 二章

曰晉是常饗祀時序宗廟致敬禮樂具舉惟其來祭普

天率土犧樽既奠清醑既載亦有和羨薦羞斯備蒸蒸
永慕感時興思登歌奏舞神樂其和祖考來格祐我邦
家敷天之下罔不休嘉其一肅肅在位濟濟臣工四海來
格禮儀有容鐘鼓振管絃理舞開元歌永始神胥樂兮
肅肅在位臣工濟濟小大咸敬上下有禮理管絃振鼓
鐘舞象德歌咏功神胥樂兮肅肅在位有來雍雍穆穆
天子相維辟公禮有儀樂有則舞象功歌詠德神胥樂
兮其二

晉江左宗廟歌

永嘉之亂海內分崩伶官樂器皆沒於劉石江左初立宗廟以無雅樂器

集遺逸而尚未有金石也庾亮為荊州與謝尚修復雅樂未具而亮薨及慕容雋平冉閔鄴下樂人頗有來者穆帝永和十一年謝尚鎮壽陽採拾樂人以備大樂并制石磬雅樂頗具孝武太元中破苻堅獲其樂工楊蜀等閑習舊樂於是四廟金石始備使曹毗王珣等增造宗廟歌詩凡十三章

歌高祖宣皇帝

以下十首並曹毗造

於赫高祖德協靈符應運撥亂釐整天衢勳格宇宙化
動八區肅以典刑陶以玄珠神石吐瑞靈芝自敷肇基
天命道均唐虞

歌世宗景皇帝

景皇承運纂隆洪緒皇維重抗天暉再舉蠢矣二寇擾
我揚楚乃整元戎以膏齊斧疊疊神筭赫赫王旅鯨鯢

既平功冠帝宇

歌太祖文皇帝

太祖齊聖王猷誕融仁教四塞天基累崇皇室多難嚴
清紫宮威厲秋霜惠過春風平蜀夷楚以文以戎奄有
參墟聲流無窮

歌世祖武皇帝

於穆武皇允龔欽明應期登禪龍飛紫庭百揆時序聽
斷以情殊域既賓僞吳亦平晨流甘露宵暎朗星野有
擊壤路垂頌聲

歌中宗元皇帝

運屯百六天羅解貫元皇勃興網籠江漢仰齊七政俯
平禍亂化若風行澤猶雨散淪光更耀金輝復煥德冠
千載蔚有餘粲

歌肅宗明皇帝

明明肅祖闡弘帝祚英風夙發清暉載路姦逆縱忒罔
式皇度躬振朱旗遂豁天步宏猷淵塞高羅雲布品物
咸寧洪基永固

歌顯宗成皇帝

於休顯宗道澤玄播式宣德音暢物以和邁德蹈仁匪
禮弗過敷以純風濯以清波連理映阜鳴鳳棲柯同規

放勛義蓋山河

歌康皇帝

康帝一作皇穆穆仰嗣洪德爲而不宰雅音四塞閑邪以
誠鎮物以默威靜區宇道宣邦國

歌孝宗穆皇帝

孝宗夙哲休音允臧如彼晨離曜景扶桑垂訓華幄流
潤八荒幽讚玄妙爰該典章西平僭蜀北靜舊疆高猷
遠暢朝有遺芳

歌哀皇帝

於穆哀皇聖心虛遠雅好玄古大庭是踐道尚無爲治

存易簡化若風行民猶草偃雖曰登遐德音彌聞悃悃
雲韶盡美盡善

歌太宗簡文皇帝 以下二首並王珣造

皇矣簡文於昭于天靈明若神周淡如淵冲應其來實
與其遷疊疊心化日用不言易而有親簡而可傳觀流
彌遠求本逾玄

歌烈宗孝武皇帝

天鑒有晉欽哉烈宗同規文考玄默允龔威而不猛約
而能通神鉦一震九域來同道積淮海雅頌自東氣陶
淳露化協時雍

四時祠祀歌 曹毗造

肅肅清廟巍巍聖功萬國來賓禮儀有容鐘鼓振金石
熙宣兆祚武開基神斯樂兮理管絃有來斯和說功德
吐清歌神斯樂兮洋洋玄化潤被九壤民無不悅道無
不往禮有儀樂有式詠九功永無極神斯樂兮 理管絃上疑闕

宋宗廟登歌 武帝永初九年詔王韶之造七廟登歌及享神登歌凡八章

北平府君歌

綿綿遐緒昭明載融漢德未遠堯有遺風於穆皇祖永
世克隆本支惟慶貽厥靡窮

相國掾府君歌

乃立清廟清廟肅肅乃備脩一作禮容禮容穆穆顯允皇祖昭是嗣服錫茲繁祉聿懷多福

開封府君歌

四縣既序簫管既舉堂獻六瑚庭萬八羽先王有典克禋皇祖不顯洪烈永介休祐

武原府君歌

鐘鼓喤喤威儀將將温恭禮樂致一作享曾皇邁德垂仁係軌重光天命純嘏惠我無疆

東安府君歌

鑠矣皇祖帝度其心永言配命播此一作徽音思我茂

猷如玉如金駿奔在陛是鑿是歆

孝皇帝歌

烝哉孝皇齊聖廣淵發祥誕慶景祚自天德敷金石道被管絃有命既集徽風永宣

高祖武皇帝歌

惟天有命眷求上哲赫矣聖武撫運桓撥功並敷土道均汝墳止戈曰武經緯稱文烏龍失紀雲火代名受終改物作我宋京至道惟王大業有劭降德兆民升歌清廟

七廟享神歌

奕奕寢廟奉璋在庭笙籥既列犧象既盈黍稷匪芳明
祀惟馨樂具禮克潔羞薦誠神之格思介以休禎濟濟
羣辟永觀厥成

七廟迎神辭

顏竣

敬恭明祀孝道感通合樂維和展禮有容六舞肅列九
變成終神之來思享茲潔衷靈之往矣綏我家邦

宋世祖廟歌

二首並謝莊造

世祖孝武皇帝歌

帝錫二祖長世多祐於穆睿考龔一作龔聖承矩玄極弛
馭乾紐墜緒闢我皇維締我宗一作宋宇刷定四海肇構

神京復禮輯樂散馬墮城澤物九有化浮八瀛慶雲承
掖甘露飛薨肅肅清廟徽徽闕宮舞蹈象德笙磬陳風
黍稷非盛明德惟崇神其歆止降福無窮

宣太后歌

稟祥月輝毓德軒光嗣徽媯汭思媚周姜母臨萬寓訓
藹紫房朱玄玉籥式載瓊芳

宋章廟樂舞歌

文帝章太后廟未有樂章孝武大明中使殷淡造新歌十三首及明帝又

自造昭太后宣太后歌二首

肅咸樂

二首

彝承孝典恭事嚴聖浹天奉賚罄壤齊慶司儀具序羽

容夙彰芬枝颺烈黼構周張助寶奠軒酌珍克庭璆縣

凝會瑁朱竚聲先期選禮一作會肅若有承祇對靈祉皇

慶昭膺其尊事威儀輝容昭敘迅恭神明粢盛牲俎肅

肅嚴宮藹藹崇基皇靈降祉百祇具司戒誠望夜端列

承朝依微昭旦物色輕宵鴻慶遐鬯嘉薦令芳翊帝明

德永祚流光其二夕牲賓出入奏

引牲樂

維誠潔饗維孝奠靈敬芬黍稷敬滌犧牲騂繭在參載

溢載豐以承宗祀以肅皇秉蕭芳四舉華火周傳神監

孔昭嘉是柔牲牲出入奏

嘉薦樂

肇禋戒祀禮容咸舉六典飭文九司昭序牲柔既昭犧

剛既陳恭滌惟清敬事惟神加籩再御兼俎重薦節動

軒越聲流金縣奕奕闕幄疊疊嚴闈潔誠夕鑒端服晨

暉聖靈戾止翊我皇則上綏四寓下洋萬國永言孝饗

孝饗有容儉僚贊列肅肅雍雍薦豆呈毛血奏

昭夏樂

闕宮黜黜複殿微微璿除肅炤釭璧彤輝黼帟神凝玉

堂嚴馨圓火夕耀方水朝清金枝委樹翠鐙竚縣渟波

澄宿華漢浮天恭事既夙虔心有慕仰降皇靈俯寧休

祚迎神奏

永至樂

皇朝

一作明

鬯矣孝容以昭鑾華羽迺拂漢涵濇

一作濇

一作申

申嘉夜翊翊休朝行金景送步玉風韶師承祀則肅對

禮祧

帝入廟北門奏

登歌二首

帝容承祀練時涓日九重徹關四靈賓室肅倡函音庶

旄委佾休靈告饗嘉薦尚芬玉瑚飾列桂簋昭陳具司

選禮翼翼振振其裸崇祀典耐恭孝時禮無爽物信靡

媿辭精華孚鬯誠監昭通升歌翊節下管調風皇心履

變敬明尊親大哉孝德至矣交神

其二太祝裸地奏

章德凱容樂

幽瑞浚靈表彰嬪聖翊載徽文敷光崇慶上緯纏祥中

維飾詠永屬輝猷聯昌景命

章太后室奏

昭德凱容樂

表靈躔象纘儀緯風膺華丹燿登瑞紫穹訓形霄宇武

彰宸宮騰芬金會寫德聲容

昭太后室奏

宣德凱容樂

天樞凝耀地紐儷輝聯光騰世炳慶翔機薰藹中寓景

躔上微玉頌鏤德金籥傳徽

宣太后室奏

嘉胙樂

禮薦洽福時昌皇聖膺嘉祐帝業凝休祥居極乘景運
宅德瑞中王澄明臨四表精華延八鄉洞海周聲惠徹
宇麗乾光靈慶纏世祉鴻烈永無疆帝還東壁受福酒奏

昭夏樂 二首

大孝備盛禮豐神安留嘉樂充旋駕聳汎青穹延八虛
闢四空藹流景肅行風其一昭融教緝風度戀皇靈結深
慕解羽縣輟華樹背一作璇除端玉輅流汪濊慶國步
其二送神奏

休成樂

醜醜具登嘉俎咸薦饗洽誠陳禮周樂徧祝辭罷裸序
容輟縣蹕動端庭鑿回嚴殿神儀駐景華漢亭虛八靈
案衛三祗解途翠蓋燿澄畢帟凝宸玉鑣息節金輅懷
音式誠達孝祗心肅感追憑皇鑒思承淵範神錫懋祉
四緯昭明仰福帝徽俯齊庶生帝詣便殿奏

齊太廟樂歌

宋昇明中太祖為齊王令司馬褚淵造太廟登歌二章建元初詔謝超宗造廟樂歌詩十六章武帝永明二年又詔王儉造太廟二室歌辭三章

肅咸樂

絜誠底孝孝感煙霜寅儀式序肅禮綿張金華樹藻肅
哲騰光殷殷升奏巖巖階庠匪椒匪玉是降是將懋介

神衷翊祐傳昌

夕牲羣臣出入奏

引牲樂

肇祀嚴靈恭禮尊國達敬傳

一作敷

典結孝陳則芬滌既

肅犧牲既整聳誠流思端儀選景肆禮佇夜綿樂望晨

崇席皇鑒用饗明神

牲出入奏

嘉薦樂

清思眈眈閔寢微微恭言載感肅若有希芬俎具陳嘉

薦兼列凝馨烟颺分炤星哲睿靈式降協我帝道上澄

五緯下陶八表

薦豆呈毛血奏

昭夏樂

涓辰選氣展禮恭祇重闈月洞層牖煙施載虛玉鬯載

受金枝天歌折饗雲舞磬儀神惟降止泛景凝義帝華

永藹泯藻方摛

迎神奏

永至樂

戲繇惟則姬經式序九司聯事八方承宇鑿迺靜陳縵

樂具舉凝旒若慕傾璜載竚振振璇衛穆穆禮容載藹

皇步式敷帝蹤

帝入廟北門奏

登歌

清明

一作容

既鬯大孝乃熙天儀睟愴皇心儼思既芬房

豆載潔牲牲鬱裸升禮銅金

一作玉

登聲茂對幽巖式奉

徽靈以享以祀惟感惟誠太祝裸地奏

凱容樂五章

國昭惟茂帝穆惟崇登祥緯遠締世景融紛綸睿緒菴
蔚王風明進厥始濬哲文終皇祖廣陵丞室奏

璇條夤蔚瓊源浚照懋矣皇烈載挺明劭永言敬思式
恭惟教休途良又榮光有耀皇祖太中大夫室奏

嚴宗正典崇享肇禋九章既飭三清既陳昭恭皇祖承
假徽神貞祐伊協卿藹是鄰皇祖淮陰令室奏

肅惟敬祀絜事參薌環袷像綴緬密絲簧明明烈祖尚
錫龍光粵雅于姬伊頌在商皇曾祖卽丘令室奏

神宮懋鄴明寢昌基德凝羽綴道鬯容辭假我帝緒懿
我皇維昭大之載國齊之祺皇祖太常卿室奏

宣德凱容樂

道闕期運義開藏用皇矣睿祖至哉攸縱循規烈炤襲
矩重芬德溢軒羲道懋炎雲皇考宣皇帝室奏

凱容樂

月靈誕慶雲瑞開祥道茂淵柔德表徽粹訓宸中儀
形宙外容蹈凝華金羽傳藹昭皇皇后室奏

永祚樂

構宸抗宇合軫齊文萬靈載溢百禮以殷朱絃繞風翠

羽停雲桂尊既滌瑤俎既薰升薦惟誠昭禮惟芬降祉
遙裔集慶氤氳帝還東壁上福酒奏

肆夏樂

禮既升樂以愉昭序溢幽饗餘人祇鬯敬教敷神光動
靈駕翔芬九垓鏡八鄉福無屆祚無疆送神奏

休成樂

睿孝式鬯饗敬爰偏一作諦容輟序侑文靜縣辰儀聳
蹕霄衛浮鑿旒帟雲舒翠華景搏恭惟尚烈休明再纏
國猷遠藹昌圖聿宣帝詣便殿奏

太廟登歌

二章

惟王建國設廟凝靈月薦流典時祀暉經瞻宸俊思雨
露追情簡日筮畧閔奠升文金壘渟桂冲幄舒薰備僚
肅列駐景開雲其一至饗攸極睿孝惇禮具物咸絜馨聲
一作合體氣昭扶幽眇慕纏遠迎絲驚促送侑畱晚聖
聲香秉踐候節改增愴妙感崇深英徽彌亮其二

高德宣烈樂

悠悠草昧穆穆經綸乃文乃武乃聖乃神動龕危亂靜
比斯民誕應休命奄有八寅握機肇運光啓禹服義滿
天淵禮昭地軸澤靡不懷威無不肅戎夷竭歡象來致
福偃風裁化暉日敷祥信星含曜秬草流芳七廟觀德

六樂宣章惟先惟敬是饗是將

太祖高皇室奏

穆德凱容樂

太姒嬪周塗山儷禹我后嗣徽重規疊矩肅肅闕宮翔
翔雲舞有饗德馨無絕終古

穆皇后室奏

明德凱容樂

多難固業殷憂啓聖帝宗纘武維時執競起柳獻祥百
堵興詠義雖祀夏功符受命遠無不懷邇無不肅其儀
濟濟其容穆穆赫矣君臨昭哉嗣服允王惟后膺此多
福禮以昭事樂以感靈八簋陳室六舞克庭觀德在廟
象德在形四海來祭萬國咸寧

明帝室奏

梁宗廟登歌

七首沈約造

功高禮洽德尊樂備三獻具舉百司在位誠敬罔讐幽
明同致茫茫億兆無思不遂蓋之如天容之如地其殷
兆玉筐周始邠王於赫文祖基我大梁肇土七十奄有
四方帝軒百祀人思未忘永言聖烈祚我無疆其有夏
多罪殷人塗炭四海倒懸十室思亂自天命我殲凶殄
難既躍乃飛言登天漢爰享爰格一作福祿攸贊其犧
象既飾罍俎斯具我鬱載馨黃流乃注峩峩卿士駿奔
是務佩上鳴堦纓還拂樹悠悠億兆天臨日煦其猗與
至德光被黔首鑄鎔蒼昊甄陶區有恪一作恭三獻對

揚萬壽比屋可封舍生無咎匪徒七百天長地久其有五

命自天於皇后帝悠悠四海莫不來祭繁祉具膺八神

聳衛福至有兆慶來無際播此餘休于彼荒裔其祀典六

昭潔我禮莫違八簋克室六龍解駢神宮肅肅靈寢微

微嘉薦既饗景福攸歸至德光被洪祚載輝其七

梁小廟樂歌小廟太祖太夫人廟也非嫡故別立廟二首並沈約造

舞歌

闕宮肅肅清廟濟濟於穆夫人固天攸啓祚我梁德膺

斯盛禮文槐達嚮重檐丹陛飾我俎彝潔我粢盛躬事

奠饗推尊盡敬悠悠萬國具承茲慶大孝追遠兆庶攸

詠

登歌

光流者遠禮貴彌申嘉饗云備盛典必陳追養自本立

愛惟親皇情乃慕帝服來尊駕齊六轡旂耀三辰感茲

霜露事彼冬春以斯孝德永被烝民

陳太廟舞辭陳初並用梁樂唯令太常周弘讓改制七室舞辭

凱容舞五章

於赫皇祖宮牆高嶷邁彼厥初成茲峻極縵樂簡簡闕

寢翼翼裸饗若存惟靈靡測皇祖步兵府君室奏

昭哉上德浚彼洪源道光前訓慶流後昆神猷綿一作緬

邈清廟斯存以享以祀惟祖惟尊

正員府君室奏

選辰崇饗飾禮嚴敬靡愛牲牢兼馨粢盛明明烈祖龍光遠映肇我王風形斯舞詠

懷安府君室奏

道遙積慶德遠昌基永言祖武致享從思九章停列八

舞廻墀靈其降止百福來綏

皇高祖成安府君室奏

肇迹締基義標鴻篆恭惟載德瓊源方闡享薦三清筵

陳四璉增我堂構式敷帝典

皇曾祖太常府君室奏

景德凱容舞

皇祖執德長發其祥顯仁藏用懷道韜光寧斯閔寢合此蕭薌永昭貽厥還符翦商

皇祖景皇帝室奏

武德舞

烝哉聖祖撫運升離道周經緯功格玄祗方軒邁扈比舜陵媯緝熙是詠欽明在斯雲雷邁屯圖南共舉大定揚越震威衡楚四奧宅心九疇還敘景星出翼非雲入呂德暢容辭慶昭羽綴於穆清廟載揚徽烈嘉玉旣陳豐盛斯潔是將是享鴻猷無絕

皇考高祖武皇帝室奏

北齊享廟樂辭

十八首陸印等奉詔製

肆夏樂

霜淒雨暢烝哉帝心有敬其祀肅事惟歆昭昭車服濟濟衣簪鞠躬貢酌磬折奉琛差以五列和以八音式祗

王度如玉如金

夕牲羣臣入門奏

高明登歌樂

日卜惟吉辰擇其良奕奕清廟黼黻周張大呂爲角應
鍾爲羽路鼗陰竹德歌昭舞祀事孔明百神允穆神心
乃顧保茲介福

迎神奏

昭夏樂

二章

大祀云事獻奠有儀既歌既展贊顧迎犧執從伊竦芻
飾惟慄俟用於庭將升於室且握且辭以致其誠惠我
貽頌降祉千齡

牲出入奏

聞靡見陰陽載俟臭聲兼薦祖考其鑒言萃王休降神
敷錫百福是由

薦毛血奏

皇夏樂

齋居嚴殿夙駕層闈車輅垂彩旒袞騰輝聳誠載仰翹
心有慕洞洞自形斤斤表步闕宮有邃神道依稀孝心
緬邈爰屬爰依

進熟帝入門奏

登歌樂

二章

太室宵宵神居宿設鬱鬯惟芬珪璋惟潔彝羊應時龍
蒲代用藉茅無咎福祿攸降端感會事儼思脩禮齊齊
勿勿俄俄濟濟

太祝裸地奏

我祠我祖永惟厥先炎農肇聖靈祉蟬聯霸圖中造帝
業方宣道昌基構撫運承天奄家六合爰光八埏尊神
致禮孝思惟纏寒來暑反惕薦在年匪敬伊慕備物不
愆設簋設業鞀鼓填填辟公在位有容伊虔登歌啓佾
下管應懸厥容無爽幽明肅然誠而厚地和達穹玄既
調風雨載協山川周庭有列湯孫永延教聲惟被邁後
光前

帝升殿奏

始基樂恢祚舞 五章

克明克俊祖武惟昌業弘營土聲被海方有流厥德終
耀其光明神幽贊景祚攸長

帝初獻六世祖司空公神室奏

顯允盛德隆我前構瑤源彌瀉瓊根愈秀誕惟有族丕
緒克茂大業崇新洪基增舊

五世祖吏部尚書室奏

祖德丕顯明喆知幾豹變東國鵲起西歸禮申官次命
改朝衣敬思孝享多福無違

高祖秦州刺史室奏

兆靈有業潛德無聲韜光戢耀貫幽洞冥道弘舒卷施
博藏行緬追歲事夜遽不寧

曾祖太尉武貞公室奏

皇皇祖德穆穆其風語嘿自已明獻在躬荷天之錫聖
表克隆高山作矣寶祚其崇離光旦旦載煥載融感薦
惟永神保無窮

祖文皇帝室奏

武德樂昭烈舞

天造草昧時難糾紛孰拯斯溺靡救其焚大人利見緯
武經文顧指維極吐吸風雲開天闢地峻岳夷海冥工
掩迹上德不宰神心有應龍化無待義征九服仁兵告
凱上平下成靡或不寧匪王伊帝偶極崇靈享親則孝
潔祀惟誠禮備樂序肅贊神明

高祖神武皇帝室奏

文德樂宣政舞

聖武丕基獻文顯統眇哉神啓鬱矣天縱道則人弘德
云邁種昭冥咸敘崇深畢綜自中徂外經朝庇野政反
淪風威還闕雅旁作穆穆格于上下維享維宗來鑒來
假

文襄皇帝室奏

文正樂光大舞

玄曆已謝蒼靈告期圖璽有屬揖讓惟時龍升虎變弘
我帝基對揚穹昊寔啓雍熙欽若皇猷永懷王度欣賞
斯穆威刑允措軌物俱宣憲章咸布俗無邪指下歸正
路茫茫九域振以乾綱混通華裔配括天壤作禮視德
列樂傳響薦祀惟虔衣冠載仰

顯祖文宣皇帝室奏

皇夏樂

孝心翼翼率禮兢兢時洗時薦或降或升在堂在戶載
湛載凝多品斯奠備物攸膺蘭芬敬挹玉俎恭承受祭
之祐如彼岡陵

飲福酒奏

高明樂

仰棖楠慕衣冠禮云罄祀將闌神之駕紛奕奕乘白雲
無不適窮昭域極幽塗歸帝社眷皇都

送神奏

皇夏

禮行斯畢樂奏以終受嘏先退載暢其衷鑿軒循轍麾
旌復路光景徘徊絃歌顧慕靈之相矣有錫無疆國圖

日競

一作鏡

家曆天長

帝詣便殿奏

周宗廟歌

十二首並度信造

皇夏

肅肅清廟巖巖寢門歌器防滿金人戒言應棘懸鼓崇

牙樹羽階變升歌庭紛象舞閑安象設緝熙清奠春鮪

初登新萍先薦優然入室儼乎在

其一作

位悽愴履之非

寒之謂

帝入廟門奏

昭夏

永維祖武潛慶靈長龍圖革命鳳曆歸昌功移上塲德

耀中陽清廟肅肅猛簾煌煌曲高大夏聲和盛唐牲牲

蕩滌蕭合馨香和鑿戾止振鷺來翔永敷萬國是則四

方

降神奏

皇夏

十章

年祥辯日上協龜言奉酌承列來庭駿奔雕禾飾竿翠

羽承樽敬殫如此恭惟執燔

祖入帝升階奏

慶緒千重秀洪源萬里長無時猶戢翼有道故韜光盛

德必有後仁義終克昌明星初肇慶大電久呈祥

獻皇高祖

奏

克昌光上烈基聖穆西藩崇仁高涉渭積德被居原帝

圖張往迹王業茂前尊重芬德陽廟疊慶壽陵園百靈

光祖武千年福孝孫

獻皇曾祖德皇帝奏

雄圖屬天造宏略遇羣飛風雲猶聽命龍躍遂乘機百

二當天險三分拒樂推函谷風塵散河陽氛霧晞濟弱

淪風起扶危頽運歸地紐崩還正天樞落更追原祠乍

超忽畢隴或綿微終封三尺劔長卷一戎衣

獻皇初太祖文皇帝

奏

月靈興慶沙祥發源功參禹迹德贊堯門言容典禮禴

狄徽章儀形温德令問昭陽日月不居歲時晚晚瑞雲

纏心闕宮惟遠

獻文宣皇太后奏

龍圖基代德天步屬艱難謳歌還受瑞揖讓乃登壇升

輿芒刺重入位據關寒卷舒雲汎濫游揚日浸微出鄭

終無反居桐竟不歸祀夏今惟舊尊靈謚更追

獻閔皇帝奏

若水逢降君窮桑屬惟政不哉馭帝籙鬱矣當天命方

定五雲官先齊八風令文昌氣似珠太史河如鏡南宮

學已開東觀書還聚文辭金石韻毫翰風飈豎清室桂

馮馮齊房芝詡詡寧思玉管笛空見靈衣舞獻明皇帝奏

南河吐雲氣北斗降星辰百靈咸仰德千年一聖人書

成紫微動律定鳳凰馴六軍命西土甲子陳東隣戎衣

此一定萬里更無塵煙雲同五色日月並重輪流沙既

西靜蟠木又東臣凱樂聞朱鴈鏡歌見白麟今為六代

祀還得九疑賓獻高祖武皇帝奏

禮殫裸獻樂極休成長離前揆宗祀文明縮酌浮蘭澄

壘合鬯磬折禮容旋迴靈貺受釐撤俎飲福移樽惟光

惟烈文子文孫飲福酒奏

庭闕四始筵終二薦顧步堦墀徘徊餘奠六龍矯首七

萃警途鼓移行漏風轉相鳥翼翼從事綿綿四時惟神

降嘏永言保之還便殿奏

周大禘歌二章庾信造

昭夏

律在夾鍾服居蒼袞杳杳清思綿綿長遠就祭于合班

神于本來庭有序助祭有章樂舞六代賓歌二王和鈴

以節儉革斯鏘齊宮饌玉鬱竿浮金洞庭鐘鼓龍門瑟

琴其樂已變惟神是臨降神奏

登歌

神惟顯思不言而令玉帛之禮敢陳莊敬奉如弗勝薦
如受命交于神明愨于言行奠玉帛奏

隋太廟樂歌

高祖仁壽元年詔牛弘等製太廟樂歌九章

迎神歌

務本興教尊神體國霜露感心享祀陳則官聯式序奔
走在庭几筵結慕裸獻惟誠嘉樂載合神其降止永言
保之錫以繁祉

登歌

孝熙嚴祖師象敬宗惟皇肅肅一作有來雍雍雕梁霞
複繡棹雲重觀德自感奉璋伊恭彝皐盡飾羽綴有容

升歌發藻景福來從

俎入歌

祭本用初祀由功舉駿奔咸會供神有序明酌盈樽豐
犧實俎幽金旣薦績錯維旅享由明德香非稷黍載流
嘉慶克固鴻緒

皇高祖太原府君神室歌

締基發祥肇源興慶迺仁迺哲克明克令庸宣國圖善
流人詠開我皇業七百同盛

皇曾祖康王神室歌

皇條俊茂帝系靈長豐功疊軌厚利重光福由善積代

以德彰嚴恭盡禮永錫無疆

皇祖獻王神室歌

盛才必達丕基增舊涉渭

一作魏

同符遷邠等構弘風邁

德義高道富神鑒孔昭王猷克懋

皇考太祖武元皇帝神室歌

深仁冥著至道潛敷皇矣太祖耀名天衢翦商隆祚奄

宅隋區有命旣集誕開靈符

飲福酒歌

神道正直祀事有融肅雍備禮莊敬在躬羞燔已具奠
酌將終降祥惟永受福無窮

送神歌

饗禮具利事成佇旒冕肅簪纓金奏終玉俎撤盡孝敬
窮巖潔人祇分哀樂半降景福憑幽贊

詩所第三卷

樂府

燕射歌辭

晉四廂樂歌

魏初食舉奏杜夔雅樂四曲一曰鹿鳴二曰騶虞三曰伐檀四曰文王皆取之

周詩後太和中左延年改夔騶虞三曲更自作聲節而鹿鳴仍舊每正旦大會太尉奉璧羣后行禮東箱雅樂郎作者是也至晉武帝泰始五年使傅玄荀勗張華各造正旦行禮及王公上壽酒食舉樂歌詩後又詔成公綏亦作焉四廂者黃鍾太簇姑洗蕤賓四廂也

正旦大會行禮歌

四章以下三篇並傳玄造

天鑒有晉世祚聖皇時齊七政朝此萬方

其鍾鼓斯震

九賓備禮正位在朝穆穆濟濟

其煌煌三辰實麗于天

君后是象威儀孔虔

其率禮無愆莫非邁德儀刑聖皇

萬邦惟則 其四

上壽酒歌

於赫明明聖德龍興三朝獻酒萬壽是膺敷佑四方如日之升自天降祚元吉有徵

食舉東西廂歌 十三章

天命大晉載育羣生於穆上德隨時化成 其一 自祖配命皇皇后辟繼天創業宣文之績 其二 丕顯宣文先知稼穡克恭克儉足教足食 其三 既教食之弘濟艱難上帝是祐下民所安 其四 天祐聖皇萬邦來賀雖安勿安乾乾匪暇 其五 乃正丘郊乃定冢社廩廩作宗光宅天下 其六 惟敬朝

饗爰奏食舉盡禮供御嘉樂有序 其七 樹羽設業笙鏞以

閒琴瑟齊列亦有箎塤 其八 喤喤鼓鍾鎗鎗磬管八音克

諧載夷載簡 其九 既夷既簡其大不禦風化潛興如雲如

雨 其十 如雲之覆如雨之潤聲教所暨無思不順 其十一 教

以化之樂以和之和而養之時惟邕熙 其十二 禮慎其儀

樂節其聲於鑠皇繇既和且平 其十三

正旦大會行禮歌 四章以下三篇並荀勗造

於皇元首羣生資始履端大享敬御繁祉肆覲羣后爰及卿士欽順則元允也天子 其一 明明天子臨下有赫四表宅心惠浹荒貊柔遠能邇孔淑不逆來格祁祁邦家

是若^{其二}光光邦國天篤其祜不顯哲命顧柔三祖世德
作求奄有九土思我皇度彝倫攸序^{其三}惟祖惟宗高朗
緝熙對越在天駿惠在茲聿求厥成我皇崇之式固其
猶往敬用治^{其四}

王公上壽酒歌

踐元辰延顯融獻羽觴祈令終我皇壽而隆我皇茂而
嵩本支奮百世休祚鍾聖躬

食舉樂東西廂歌

^{十二章}

煌煌七曜重明交暢我有嘉賓是應是貺邦政旣圖接
以大饗人之好我式遵德讓^{其一}賓之初筵藹藹濟濟旣

朝乃宴以洽百禮頒以位敘或廷或陛登儉台叟亦有

兄弟胥子陪寮憲茲度楷觀頤養正降福孔偕^{其二}昔我

三后大業是維今我聖皇焜耀前暉奕世重規明照九

畿思輯用光時罔有違陟禹之跡莫不來威天被顯祿

福履是綏^{其三}赫矣太祖克廣明德廓開宇宙正世立則

變化不經民無瑕慝創業垂統兆我晉國^{其四}烈文伯考

時惟帝景夷險平亂威而不猛御衡不迷皇塗煥炳七

德咸宣其寧惟永^{其五}猗歟盛歎先皇聖文則天作孚大

哉爲君慎徽五典帝載是勤文武發揮茂建嘉勳脩已

濟治民用寧殷懷遠燭幽玄教氛^{一作}氤善世不伐服

事三分德博化隆道冒無垠其隆化洋洋帝命溥將登

我晉道越惟聖皇龍飛革運臨燾八荒獻哲欽明配蹤

虞唐封建厥福駿發其祥三朝習吉終然允臧其臧惟

何總彼萬方元侯列辟四嶽蕃王時見世享率茲有常

旅揖在庭嘉客在堂宋衛既臻陳留山陽我有賓使一作

有賓有使觀國之光貢賢納計獻璧奉璋保祐命之申錫無

疆其振鷺于飛鴻漸其翼京邑穆穆四方是式無競惟

人王綱允敕君子來朝言觀其極其翼翼大君民之攸

暨信理天工惠康不匱將遠不仁訓以淳粹幽明有倫

俊又在位九族既睦庶邦順比開元布憲四海鱗萃協

時正統殊塗同致厚德載物靈心隆貴敷奏讜言納以

無諱樹之典象誨之義類上教如風下應如卉一人有

慶羣萌以遂我后宴喜令問不墜其既宴既喜翕是萬

邦禮儀卒度物有其容晰晰庭燎晠晠鼓鍾笙磬詠德

萬舞象功八音克諧俗易化從其和如樂庶品時邕其

時邕斌斌六合同塵往我祖宣威靜殊隣首定荆楚遂

平燕秦疊疊文皇邁德流仁爰造草昧應乾順民靈瑞

告符休徵響震天地弗違以和神人既戡庸蜀吳會是

賓肅慎率職楛矢來陳韓濊進樂均一作協清鈞西旅

獻契扶南效玼蠻裔重譯玄齒文身我皇撫之景命惟

新其十一情情嘉會有聞無聲清酤既奠籩豆既馨一作升

禮充樂備簫韶九成愷樂飲酒酣而不盈率土歡豫邦

國以寧王猷充塞萬載無傾其十二

正旦大會行禮歌四章以下三篇並張華造

於赫皇祖迪哲齊聖經緯大業基天之命克開洪緒誕

篤天慶旁濟彞倫仰齊七政其烈烈景皇克明克聰靜

封略定勳功成民立政儀刑萬邦式固崇軌光紹前蹤

其允文烈考濬哲應期參德天地比功四時大亨以正

庶績咸熙肇啟晉宇遂登皇基其明明我后玄德通神

受終正位協應天人容民厚下育物流仁躋我王道輝

光日新其四

王公上壽歌

稱元慶奉聖一作壽觴后皇延遐祚安樂撫萬方

食舉東西廂樂歌十一章

明明在上丕顯厥繇翼翼三壽蕃后惟休羣生漸德六

合承流三正元辰朝慶鱗萃華夏奉職貢八荒覲殊類

黻冕充廣庭鳴玉盈朝位其濟濟朝位言觀其光儀序

既以時禮文煥以彰思皇享多祐嘉樂永無央其九賓

在庭臚讚既通升瑞奠贊乃侯乃公穆穆天尊隆禮動

容履端承元吉介福御萬邦其朝享上下咸雍崇多儀

繁禮容舞盛德歌九功揚芳烈播休蹤其四皇化洽洞幽

明懷柔百神輯祥禎潛龍躍雕虎仁儀鳳鳥屆游麟枯

蠹榮竭泉流菌芝茂枳棘柔和氣應休徵弦協靈符彰

帝期綏宇宙萬國和昊天成命賚皇家賚皇家其五世資

聖哲三后在天啟鴻烈啟鴻烈隆王基率土謳吟欣戴

于時恒文示象代氣著期其六泰始開元龍升在位四隩

同風燮寧殊類五躔來備嘉生以遂凝庶績臻大康申

繁祉胤無疆本枝百世繼緒不忘繼緒不忘休有烈光

永言配命惟晉之祥其七聖明統世篤皇仁廣大配天地

順動若陶鈞玄化參自然至德通神明清風暢八極流

澤被無垠其八於皇時晉奕世齊聖惟天降嘏神祇保定

弘濟區夏允集大命有命既集光帝猷大明重曜鑒六

幽聲教洋溢惠滂流惠滂流移風俗多士盈朝賢俊比

屋敦世心斲彫反素樸反素樸懷庶方干戚舞階庭疏

狄悅遐荒扶南假重譯肅慎襲衣裳雲覆雨施德洽無

疆旁作穆穆仁化翔其九朝元日賓王庭承宸極當盛明

衍和樂竭祗誠仰嘉惠懷德馨遊淳風泳淑清協億兆

同歡榮建皇極統天位運陰陽御六氣殷羣生成性類

王道浹治功成人倫序俗化清虔明祀祗三靈崇禮樂

式儀刑其十慶元吉宴三朝播金石詠泠簫奏九夏舞雲

韶邁德音流英聲八紘一六合寧六合寧承聖明王澤
洽道登隆綏函夏總華戎齊德教混殊風混殊風康萬
國崇夷簡尚敦德弘王度表遐則六十一

正旦大會行禮歌

十五章以下二篇並成公綏造

穆穆天子光臨萬國多士盈朝莫非一作俊德流化罔

極王猷允塞嘉會置酒嘉賓充庭羽旄曜辰極鍾鼓振

泰清百辟朝三朝或或明儀刑濟濟鏘鏘金振玉聲其一

禮樂具宴嘉賓眉壽祚聖皇景福惟日新羣后戾止有

來雍雍獻酬納贄崇此禮容豐肴萬俎旨酒千鍾嘉樂

盡宴樂福祿咸攸同其二樂哉天下安寧道化行風俗清

簫韶作詠九成年豐穰世泰平至治哉樂無窮元首聰

明股肱忠澍豐澤揚清風其三嘉瑞出靈應彰麒麟見鳳

凰翔醴泉湧流中唐嘉禾生穗盈箱降繁祉祚聖皇承

天位統萬國受命應期授聖德四世重光宣開洪業景

克昌文欽明德彌彰肇啟晉邦流祚無疆其四泰始建元

鳳皇龍興龍興伊何享祚萬乘奄有八荒化育黎烝圖

書煥炳一作金石有徵德光大道熙隆被四表格皇穹

奕奕萬嗣明明顯融高朗令終保茲永祚與天比崇其五

聖皇君四海順人應天期三葉合重光泰始開洪基明

曜參日月功化侔四時宇宙清且泰黎庶咸雍熙善哉

雍熙其六惟天降命翼仁祐聖於穆三皇載德彌盛總齊

璇璣光統七政百揆時序化若神聖四海同風興至仁

濟民育物擬陶鈞擬陶鈞垂惠潤皇皇羣賢峩峩英俊

德化宣芬芳播來胤其七播來胤垂後昆清廟何穆穆皇

極闢四門皇極闢四門萬機無不綜疊翼翼樂不及

荒饑不遑食大禮既行樂無極其八登崑崙上層城乘飛

龍升泰清冠日月佩五星揚虹蜺建彗旌披慶雲蔭繁

榮覽八極遊天庭順天地和陰陽序四時一作氣曜三光

張帝網正皇綱播仁風流惠康邁洪化振靈威懷萬方

納九夷朝闡闡宴紫微其九建五旗羅鍾虞列四縣奏韶

武鏗金石揚旌羽縱八佾巴渝舞詠雅頌和律呂于胥

樂樂聖主其十化蕩蕩清風泄總英雄御俊傑開宇宙掃

四裔光緝熙美聖哲超百代揚休烈流景祚顯萬世其十一

一皇皇顯祖翼世佐時寧濟六合受命應期神武鷹揚

大化咸熙廓開皇衢用成帝基其十二光光景皇無競惟

烈匡時拯俗休功盖世宇宙既康九域有截天命降鑒

啟祚明哲其十三穆穆烈考克明克雋實天生德誕膺靈

運肇建帝業開國有晉載德奕世垂慶洪胤其十四明明

聖帝龍飛在天與靈合契通德幽玄仰化青雲俯育重

淵受靈之祐於萬斯年其十五

王公上壽酒歌

上壽酒樂未央大晉應天慶皇帝永無疆

晉冬至初歲小會歌

以下二篇並張華造

日月不留四氣迴周節慶代序萬國同

一作咸

休庶尹羣

后奉壽

一作爵

升朝我有嘉禮式宴百僚繁肴綺錯旨酒

泉渟笙鏞和奏磬管流聲上隆其愛下盡其心宣其壅

滯咏

一作訓

之德音乃宣乃訓配享交泰永載仁風長撫

無外

晉宴會歌

亶亶我皇配天垂光留精日昃經覽無方聽朝有暇延

命眾臣冠蓋雲集罇俎星陳肴蒸多品八珍代變羽爵

無筭究樂極宴歌者流聲舞者投袂動容有節絲竹並

設宣暢四體繁手趣摯懽足發和酣不忘禮好樂無荒

翼翼濟濟

晉中宮所歌

先王統大業玄化漸八維儀刑乎萬邦內訓隆壺闈皇

英垂帝典大雅詠三妃執德宣隆教正位理厥機

一作司

含章體柔順率禮蹈謙祗螽斯弘慈惠樛木逮幽微徽

音穆清風高義邈不追遺榮參日月百世仰餘暉

中宮歌

二首 一曰賢明誦

成公綏

殷湯令妃有莘之女仁教內脩度義以處清謚後宮九
嬪有序尹爲媵臣遂作元輔

天地不獨立造化由陰陽乾坤垂覆載日月曜重光治
國先家道立教起閨房二妃濟有虞三母隆周王塗山
興大禹有莘佐成湯齊晉霸諸侯皆賴姬與姜關雎思
賢妃此言安可忘

晉宗親會歌 張華造

族燕明禮順餽食序親親骨肉散不殊昆弟豈他人本
枝篤同慶棠棣著先民於皇聖明后天覆弘且仁降禮
崇親戚旁施協族姻式宴盡酣娛飲御備羞玆和樂旣
宣洽上下同歡欣德教加四海敦睦被無垠

宋四箱樂歌 武帝永初元年王韶之造辭五篇齊仍
宋辭微有改革

肆夏樂歌 四章

於鑠我皇體仁包 齊作苞 元齊明日月比量乾坤陶甄百

王稽則黃軒訐謨定命辰告四蕃 其 將將蕃后翼翼羣

僚盛服待晨明發來朝饗以八珍樂以九韶仰祗天顏

厥猷孔昭 其二 法章旣設初筵長舒濟濟列辟端委皇除

飲和無盈威儀有餘温恭在位敬終如初 其三 九功旣歌

六代惟時被德在樂宣道以詩穆矣太和品物咸熙慶

積自遠告成在茲 其四

大會行禮歌 二一章

大哉皇宋齊作長發其祥纂系在漢統源伊唐齊作祚隆姬夏

道邁虞唐德之克明休有烈光配天作極辰居四方其皇矣

我后聖德通靈有命自天誕受休禎龍飛紫極造我宋

齊作京光宅宇宙赫赫明明其二

王公上壽歌

獻壽爵慶聖皇靈祚窮二儀休明等三光

殿前登歌 三一章

明明大宋齊作緝熙皇道則天垂化光定天保天保既

定肆覲萬方禮繁樂富穆穆皇皇其沔波流水朝宗天

池洋洋貢職抑抑威儀既習威儀亦閑禮容一人有則

作孚萬邦其二烝哉我皇固天誕聖履端惟始對越休慶

如天斯久齊作如日斯盛介茲景福永固駿齊作命其三

食舉歌 十章

晨羲載曜齊作萬物咸覩嘉慶三朝禮樂備舉元正肇

始典章暉齊作明萬方畢齊無來賀華裔充皇齊無庭

多士盈九位齊作俯仰觀玉聲恂恂俯仰載爛其輝鼓

鍾震天區禮容塞皇闈思樂窮休慶福履同所歸其五

玉既獻三帛是藁爾公爾侯鳴玉華殿皇皇聖后降禮

南面元首納嘉禮萬邦同歡齊作願休哉君臣嘉燕齊作

熙建五旗列四縣樂有文禮無倦融皇風窮一變其體

至和感陰陽德無不柔繁休祥瑞徽璧應嘉鍾舞靈齊作

鳳躍潛龍景星見甘露墜木連理禾同穗玄化洽仁

澤敷極禎瑞窮靈符其懷荒裔綏齊民荷天祐靡

不賓靡不賓長世弘盛昭明有融繁嘉慶繁嘉慶熙帝

載合氣成齊作和蒼生欣戴三靈協瑞惟新皇代其王

道四達流仁布齊無德窮理詠乾元垂訓順齊作帝則

靈化侔四時幽誠通玄默德澤被八紘乾寧齊作軌萬

國其皇猷緝咸熙泰禮儀煥帝庭要荒服遐外被髮襲

纓冕左衽回衿帶天覆地載流澤汪濊聲教布護德光

大其開元辰畢來王奉貢職朝后皇鳴珩珮觀典章樂

王度悅徽芳陶盛化遊太康不齊作昭明永克昌其性

永初齊作德不顯齊七政敷五典彝倫序洪化闡王澤

流太平始樹聲教明皇紀和齊無聲教明靈祗恭明祀

衍景祚膺嘉祉其禮有容樂有儀金石陳干羽施邁武

濩均咸池歌南風舞德齊作稱文武齊作煥頌聲興其

王道純德彌淑寧八表康九服道禮讓移風俗移風俗

永克融歌盛美造齊作成功詠徽齊作烈邈無窮其十

梁三朝雅樂歌武帝定雅樂使沈約造辭六篇後普

俊雅三章俊者取禮記司徒論選士之序者而升

設官分職髦俊攸俟髦俊伊何貴德尚齒唐又咸事周

寧多士區區衛國猶賴君子漢之得人帝猷乃理其開

我八襲闢我九重珩珮流響纓紱有容衮衣前邁列辟

雲從義兼東序事美西雍分階等肅異列齊恭其重列

北上分庭異陛百司揚職九賓相禮齊宋舅甥魯衛兄

弟思皇藹藹羣龍濟濟我有嘉賓實惟愷悌其二三衆官

胤雅 胤者取詩君子萬年永錫祚胤也

自昔殷代哲王迭有降及周成惟器是守上天乃眷大

梁既受灼灼重明仰承元首體乾作貳命服斯九置保

置師居前居後前星比耀克隆萬壽皇太子出入奏

寅雅 寅者取尚書周官貳公弘化寅亮天地也

禮莫違樂具舉延藩辟朝帝所執桓蒲列齊莒垂衮毳

紛容與升有儀降有序齊簪紱忘笑語始矜嚴終酣醕

王公出入奏

介雅 三章介者取詩君子萬年介爾景福也

百福四象初萬壽三元始拜獻惟衮職同心協卿士北

極永無窮南山何足擬其壽隨百禮洽慶與三朝升惟

皇集繁祉景福互相仍申錫永無遺穰簡必來應其百

味既含馨六飲莫能尚玉壘信湛湛金卮頗搖漾敬舉

發天和祥祉流嘉貺其三上壽酒奏

需雅 八章需者取易曰雲上於天需君子以飲食宴樂也

實體平心待和味庶羞百品多為貴或鼎或鼐宣九沸

楚桂胡鹽芼芳卉加邊列俎彫且蔚 其五味九變兼六

和令芳甘旨庶且多三危之露九期 一作禾圓案方丈

粲星羅皇舉斯樂同山河 其九州上腴非一族玄芝碧

樹壽華木終期采之不盈掬用拂腥膻和九穀既甘且

飫致遐福 其人欲所大味為先興和盡敬咸在旃碧鱗

朱尾獻嘉鮮紅毛綠翼墜輕翮臣拜稽首萬斯年 其擊

鐘以俟惟大國况乃御天流至德侑食斯舉揚盛則其

禮不訾儀不忒風猷所被深且塞 其膳夫奉職獻芳滋

不麝不夭咸以時調甘適苦別澠淄其德不爽受福登

於焉逸豫永無期 其備味斯饗惟至聖咸降人神禮為

盛或風或雅流歌詠負鼎言歸啟殷命悠悠四海同茲

慶 其道我六穗羅八珍洪鼎自爨匪勞薪荆包海物必

來陳滑甘滫瀡味和神以斯至德被無垠 其八食舉奏

雍雅 三章雍者取禮記大饗客出以雍徹也

明明在上其儀有序終事靡訾收劔撒俎乃升乃降和

樂備舉天德莫違人謀是與敬行禮達茲焉讌語 其我

餽惟阜我肴孔庶嘉味既克食旨斯飫屬厭無爽冲和

在御擊壤齊歡懷生等豫烝庶乃粒實由仁恕 其百司

警列皇在在陛既飫且醕卒食成禮其容穆穆其儀濟濟凡百庶寮莫不愷悌奄有萬國抑由天啓其三徹饌奏

俊雅

三章以下六篇並蕭子雲造

惟王建國辯方正位於赫有梁向明而治知人則哲聰明文思思皇多士俊乂咸事弗惟其官惟人乃備其一訓迪庶工位以德序恭已而治垂旒當宁或以言揚或以事舉春朝秋覲圭幣惟旅翼翼艷郁峩峩齊楚其二客人金奏賓至縣興威儀有則是降是升百辟卿士元首是承左右秩秩終敬且矜彝倫攸序王猷以凝其三

胤雅

天下為家大梁受命眷永一作求一德惟烈無競儀刑哲王元良誕慶灼灼明兩作離承聖英華外發溫文成性立師立保左右惟政休有烈光前星比盛

寅雅

車同軌行同倫來萬國相九賓延羣后朝蓋臣禮時行樂日新從夷則奏雅寅衮衣曜玉帛陳儀抑抑皇恂恂

介雅

三三章

明君創洪業大同登頌聲開元洽百禮來儀奏九成申錫南山祚赫赫復明明其一三朝禮樂和百福隨春酒玉樽湛而獻聰明作元后安樂享延年無疆臣拜手其二四

燕身歌爾 卷三 十一
氣新元旦萬壽初今朝趨拜齊衮玉鍾石變簫韶日升
等皇運洪基邈且遙 其三一

需雅 八章

農用八政食爲元播時百穀民所天禘嘗郊社盡潔虔
讌饗饋食禮節宣九功惟序登頌絃 其感物而動物靡
遂大羹不和有遺味非極口腹而行氣節之民心殺攸
貴寧爲禮本饗與餼 其始諸飲食物之初設卦觀象受
以需烝民乃粒有牲芻自衛反魯刪詩書弋不射宿殺
已祛 其在昔哲王觀民志庶羞百品因時備爲善不同
同歸治蔬膳菲食化始至率物以躬行尊位 其雅有洞

酌風采蘋蘊藻之菜非八珍澗溪沼沚貴先民明信之
德感人神譬諸禴祭在西隣 其行葦之微猶勿踐寧惟
血氣無身翦聖人之心微而顯千里之應出言善况遂
豚魚革前典 其春酸夏苦冬有宜筐筥錡釜備糗馳逡
巡揖讓詔司儀卑高制節明等差君臣之序正在斯 其
日月光華風四塞規饗有序儀不忒匪天私梁乃佑德
光被四表自南北長世綴旒爲下國 其

雍雅 三章

穆穆天子時惟聖敬濟濟羣公恭爲德柄爲撒有典膳
夫是命禮行禘嘗義光朝聘神饗其德民洽其慶 其尚

有和羹既戒且平亦有其餽亦惟克明其餽惟旅其醕
惟成百禮斯洽三宥已行明哉元首適駿其聲其戒食
有章卒食惟序庭鳴金奏凱收邊管客出以雍撤以振
羽離磬乃作和鍾備舉濟濟威儀喤喤篥簾其三

北齊元會大饗歌

北齊元會大饗協律不得升陛黃門舉麾於殿上

肆夏

以下二十一首並陸印等造

昊蒼眷命興王統天業高帝始道邈皇先禮成化穆樂
合風宣賓朝荒夏揚對穹玄賓入門奏

皇夏

四章

夏正肇旦周物充庭具僚在位俛伏無聲大君穆穆宸

儀動睟日煦天迴萬靈胥萃

帝出閣奏

天子南面乾覆離明三千咸列萬國填并猶從禹會如
次湯庭奉茲一德上下和平帝當晨羣臣奉賀奏

我應天曆四海爲家協同內外混一戎華鶴蓋龍馬風
乘雲車夏章夷服其會如麻九賓有儀八音有節肅肅
於位飲和在列四序氤氳三光昭晰君哉大矣軒唐比
轍帝入宁變服奏

皇運應籙廓定區寓受終以文構業以武堯昔命舜舜
亦命禹大人馭歷重規沓規欽明在上昭納八寅從靈
體極誕聖窮神化生羣品陶育烝民展禮肆樂協此元

燕身哥爾
春帝出升御座奏

肆夏

萬方咸暨三揖以申垂旒馮玉五瑞交陳拜稽有章升
降有節聖皇負宸虞唐比烈王公奠辟王奏

上壽曲

仰三光奏萬壽人皇御六氣天地同長久上壽奏

登歌三章

大齊統曆道化光明馬圖呈寶龜籙告靈百蠻非衆八
荒非逖同作堯人俱包禹迹其天覆地載成以四時惟
皇是則比大於茲羣星拱極衆川赴海萬寓駿奔一朝

咸在其齊之以禮相趨帝庭應規蹈矩玉色金聲動之

以樂和風四布龍申鳳舞鸞歌麟步其三皇太子入坐位酒至御殿上奏

食舉樂十章

三端正啟萬方觀禮具物充庭二儀合體百華照曉千

門洞晨或華或裔奉贄惟新悠悠亘六合圓首莫不臣

仰施如雨晞和猶春一作風化表笙鏞歌謳被琴瑟誰

言文軌異今朝混爲一其彤庭爛景丹陛流光懷黃綰

白鷓鷯成行文贊百揆武鎮四方折衝鼓雷電獻替協

陰陽大矣哉道邁上皇陋五帝狹三王窮禮物該樂章

序冠帶垂衣裳其天壤和家國穆悠悠萬類咸孕育契

冥化侔大造靈效玆神歸寶興雲氣飛龍蒼麟一角鳳
五光朱雀降黃玉表九尾馴三足擾化之定至矣哉瑞
感德四方來其囹圄空水火菽粟求賢振滯棄珠玉衣
不靡宮以卑當陽端嘿垂拱無爲云云萬有其樂不訾
其嗟此舉時逢至道肖形成自持賦命無傷天行氣進
四皇輿遊龍服帝皐聖主寧區宇乾坤永相保其牧野征
鳴條戰大齊家萬國拱揖應終禪與主廓清都大君臨
赤縣高居深視當辰正殿日暮之期今一見其兩儀分
牧以君陶有象化無垠大齊德邈誰羣超鳳火冠龍雲
露以潔風以薰榮光至氣氤氳其神化遠人靈協寒暑

調風雨燹披泥檢受圖謀圖謀啟期運昌分四序綴三
光延寶祚眇無疆其惟皇道升平日河水清海不溢雲
千呂風入律驅黔首入仁壽與天高竝地厚其刑以厝
頌聲揚皇情邈眷汾襄岱山高配林壯亭亭聳云云望
旆歲蕤駕駢駢刊金闕奠玉龜其十食至御前奏

皇夏

禮終三爵樂奏九成允也天子穹壤和平載色載笑反
寢晏息一人有祉百神奉職帝入奏

周五聲調曲

序曰元正饗會大禮賓至食舉稱觴薦
玉六律既從八風斯暢以歌大業以舞

成功

宮調曲

五首以下六曲並度信造

氣離清濁割元開天地分三才初辨正六位始成文繼
 天爰立長安民乃樹君其明廣如日其澤厚如雲惟昔
 我文祖撥亂拒謳歌三分未撫運八百不陵河禮敷天
 下信樂正神人和風塵行息警江海欲無波其我皇承
 下武革命在君臨應圖當舜玉嗣德受堯琴沈首多推
 運陽城有讓心就日先知遠觀淵早見深玄精實委御
 蒼正乃皆平履端朝萬國年祥一作慶百靈玉帛咸觀
 禮華戎各在庭鳳響中夷則天文正玉衡皇基自天保
 萬物乃由庚其二握衡平地紀觀象正天樞祺祥鍾赤縣

靈瑞炳皇都更受昭華玉還披蘭葉圖金波來白兔弱
 木下蒼烏玉斗調元協金沙富國租青丘還擾圃丹穴
 更巢梧安樂新成一作慶長生百福符其三明明九族序
 穆穆四門賓陰陵朝北附蟠木引東臣澗途求版築溪
 源取釣綸多士歸賢戚維城屬茂親貴位連南斗高榮
 據北辰迎時乃推策司職且班神日月之所照霜露之
 所鈞永從文軌一長無外戶人其四鬱盤舒棟宇崢嶸侔
 大壯拱木詔林衡全模徵梓匠千櫨綺翼浮百拱長虹
 抗北去邯鄲道南來偃師望龍首載文椀雲楣承武帳
 居者非求隘卑宮豈難尚壯麗天下觀是以從蕭相其五

變宮調 二首

帝遊光出震君明擅在離巖廊惟眷顧欽若尚無為龍
 穴非難附鸞巢欲可窺具茨應不遠汾陽寧足隨烝民
 播植重溝洫劬勞多桑林還注雨積石遂開河明徵逢
 永命平秩值年和更有薰風曲方聞晨露歌其移風廣
 軒曆崇德盛唐年成文興大雅出豫動鈞天黃鍾六律
 正閭闔八風宣孤竹調陽管空桑節雅弦舞林鸞更下
 歌山鳳欲前聞音能辨俗聽曲乃思賢感物觀治亂心
 恒防未然君子得其道大平何有焉其二

商調曲 四首

君以宮唱寬大而謨明臣以商應聞義則可行有熊為
 政訪道于容成殷湯受命委任于阿衡忠其敬事有罪
 不逃刑誦其箴諫言之無隱情有剛有斷四方可以寧
 既頌既雅天下乃升平專精一致金石為之開動其兩
 心妻子恩情垂苟利社稷無有不盡懷昊天降祐元首
 唯康哉其一百川俱會大海所以深羣材既聚故能成鄧
 林猛虎在山百獸莫敢侵忠臣處國天下無異心昔我
 文祖執心且危慮驅翦豺狼經營此天步今我受命又
 無敢逸豫惟爾弼諧各可知兢懼其二禮樂既正神人所
 以和玉帛有序志欲靜干戈各分符瑞俱誓裂山河今

日相樂對酒且當歌道德以喻聽撞鍾之聲神姦不若
觀鑄鼎之形艷宮旣朝諸侯于是穆岐陽或狩淮夷自
此平若涉大川言憑于舟楫如和鼎實有寄于鹽梅君
臣一體可以靜氛埃得人則治何世無竒才其風力是
舉而台階序平重黎旣登而天地位成功無與讓銘太
常之旌世不失職受駢毛之盟輯瑞班瑞穆穆于堯門
惟翰惟屏膺膺于周原功成而治定禮樂斯存復子而
明辟姬旦何言其四

角調曲

二首

止戈見于絕轡之野穰伐聞于丹水之征信義俱存乃

先忘食五材並用誰能去兵雖聖人之大寶曰位實天
地之大德曰生涇渭同流清濁異能琴瑟並御雅鄭殊
聲擾擾烝人聲教不一茫茫禹跡車軌未并志在四海
而尚恭儉心包宇宙而無驕盈言而無文行之不遠義
而無立勤則無成惻隱其心訓以慈惠流宥其過哀矜
典刑其匡贊之士或從漁釣雲雨之才乍嘆幽谷尋芳
者追深徑之蘭識韻者探一作窮山之竹克明其德貢
以三事樹之風聲言于九牧協用五紀風若從時農用
八政甘作其穀殊風共軌見之周南異畝同穎聞之康
叔祁寒暑雨是無胥怨天覆雲油滋焉滲漉幸無謝上

古之淳人庶可以封之于比屋 其二

徵調曲 六首

乾坤以含養覆載日月以貞明照臨達人以四海為務
明君以百姓為心水波瀾者源必遠樹扶踈者根必深
雲雨取施無不洽廊廟求才多所任 其一 淳風布政常無
欲至道防人能變俗求仁義急於水火用禮讓多于菽
粟屈軼無佞人可指獬豸無繁刑可觸王道蕩蕩用無
為天下四民誰不足 其二 聖人千年始一生黃河千年始
一清攝提以之而從紀玉燭于是而文明東南可以補
地闕西北可以正天傾浮竈則東海可厲運鍾則南山

可平眾仙就朝于瑤水羣帝受享于明庭懷和則赫任
並奏功烈則鍾鼎俱銘 其三 三光以記物成 一作呈 形四時

以裁成正位雷風大山岳之響寒暑通陰陽之氣武功
則六合攸同文教則二儀經緯有道則咸浴其德好生
則各繁其類白日經天中則移明月橫漢滿而虧能虧
能缺既無為雖盈雖滿則不危開信義以為苑囿立道
德以為城池周監二代所損益郁郁乎文其可知庖犧
之親臨佃漁神農之躬秉耕稼湯則救旱而憂勤禹則
正冠而無暇草上之風無不偃君子之毗知可 一作而 化
將欲比德于三皇未始追踪于五霸 其四 纖纖不絕林薄

成涓涓不止江河生事之毫髮無謂輕慮遠防微乃不
傾雲官乃垂拱大君鳳曆唯欽明元首類上帝而禮六
宗望山川而朝羣后地鏡則山澤俱開河圖則魚龍合
負我之天網莫不該閭闔九關天門開卿相則風雲玄
感匡贊則星辰下來既興周室之三聖乃舉唐朝之八
才莘臣參謀于左相大老教政于中台其宜作則于明
哲故無崇信于姦回其五正陽和氣萬類繁君王道合天
地尊黎人耕植于義圃君子翱翔于禮園落其實者思
其樹飲其流者懷其源咎繇爲謀不仁遠士會爲政羣
盜奔克寬則昆蟲內向彰信則殊俗宅心浮橋有月支

抱馬上苑有烏孫學琴赤玉則南海輸賚白環則西山
獻琛無勞鑿空于大夏不待蹶角于蹠林其六

羽調曲五首

樹君所以牧人立法所以靜亂首惡旣其南巢元兇于
是北竄居休氣而四塞在光華而兩旦是以雨施作解
是以風行唯渙周之文武洪基光宅天下文思千載克
聖咸熙七百在我應期實昊命有成命惟四方其訓之
其一運平後親之俗時亂先踈之雄踰桂林而驅象濟弱
水而承鴻旣浮于呂之氣還吹入律之風錢則都內貫
朽倉則常平粟紅火中乃寒乃暑年和一風一雨聽鍾

磬念封疆聞笙竽思蓄聚瑤琨篠蕩旣從恠石鉛松卽
序長樂善馬成廐水衡黃金爲府其二百川乃宗巨海衆
星是仰北辰九州攸同禹跡四海合德堯臣朝陽栖于
鳴鳳靈時牧于般麟雲玉葉而五色月金波而兩輪涼
風迎時北狩小暑戒節南巡山無藏於紫玉地不愛于
黃銀雖南征而北怨實西略而東賓旣永清于四海終
有慶于一人其三定律零陵玉管調鍾始平銅尺龍門之
下孤桐泗水之濱鳴石河靈于是讓珪山精所以奉璧
滌九川而賦稅棊三危而納錫北里之禾六穗江淮之
茅三脊可以玉檢封禪可以金繩探冊終永保於鴻名

足揚光於載籍其四太上之有立德其次之謂立言樹善
滋于務本除惡窮于塞源冲深其智則厚昭明其道乃
尊仁義之財不匱忠信之禮無繁動天無有不屆唯時
無幽不徹作德心逸日休作僞心勞日拙自非剛克掩
義無所離于勦絕其五

隋元會大饗歌

以下十四首並牛弘等造

皇夏

深哉皇度粹矣天儀司陞整蹕式道先馳八屯霧擁七
萃雲披退揚進揖步矩行規句陳乍轉華蓋徐移羽旗
照耀珪組陸離居高念下處安思危照臨有度紀律無

燕身哥
卷三
二一五
虧帝出入殿庭奏

肆夏

惟熙帝載式固王猷體乾建本是曰孟侯馳道美漢寢
門稱周德心既廣道業惟優傳保斯導賢才與遊瑜玉
發饗畫輪停輶皇基方峻七鬯恒休

太子出入奏

上壽歌

俗已乂時又良朝玉帛會衣裳基同北辰乂壽共南山
長黎元鼓腹樂未央

食舉歌

八曲

燔黍設教禮之始五味相資火爲紀平心和德在甘旨

牢羞既陳鍾石俟以斯而御揚盛軌

其養身必敬禮食

昭時和歲阜庶物饒鹽梅既濟鼎鉉調特以膚腊加臠

曉威儀濟濟懋皇朝

其饗人進羞樂侑作川潛之膾雲

飛臠甘酸有宜芬芍藥金敦玉豆盛交錯御鼓既聲安

以樂

其玉食惟后膳必珍芳菰既絜重秬新是能安體

又調神荆包畢至海貢陳用之有節德無垠

其嘉羞入

饋猶化謐沃土名滋帝臺實陽華之菜雕陵栗鼎俎芬

芳豆籩溢通幽致遠車書

其道高物備食多方山膚

既善水豢良栢蒲在位龔業張加籩折俎爛成行恩風

下濟道化光

其禮以安國仁爲政具物必陳饗牢盛且

采斤斧順時令懷生熙熙皆得性於茲宴喜流嘉慶其七

皇道四達禮樂成臨朝日舉表時平甘芳既飫醕以清

揚休玉卮正性情隆我帝載永明明其八

宴羣臣登歌

皇明馭歷仁深海縣載擇良辰式陳高宴顛顛卿士昂
昂侯甸車旗煜爚衣纓葱蒨樂正展懸司宮飾殿三揖
稱禮九賓為傳圓鼎臨碑方壺在面鹿鳴成曲嘉魚入
薦筐篚相輝獻酬交徧飲和飽德恩風長扇

隋大射登歌

道謚金科照時又玉條明優賢饗禮洽選德射儀成鑾

旗鬱雲動寶軟儼天行巾車整三乏司裘飾五正鳴球

響高殿華鍾震廣庭烏號傳昔美淇衛著前名揖讓皆

時傑升降盡朝英附枝觀體定杯水覩心平豐觚既來

去燔炙復縱橫欣看禮樂盛喜遇黃河清


隋皇后房內歌

之為房內曲

文帝龍潛時頗好音樂嘗倚琵琶作歌託言夫婦之義牛弘等脩樂因取

至順垂典正內弘風母儀萬國訓範六宮求賢啟化進

善宣功家邦載序道業斯融





811.12

2342